

خواطر بحر

شعر

سليم بحر



بطاقة الكتاب

خواطر بحر
سمير بحر
شعر

رقم الإيداع : 2019 / 8155
الطبعة الأولى
عدد الصفحات : 100
تاريخ الإصدار: ابريل 2019

الإخراج الفني و المراجعة اللغوية
دار وادي عبقر للطباعة و النشر

رئيس مجلس الإدارة
جابر الزهيري
المدير التنفيذي
لمياء حمدي

جميع حقوق الطبع والنشر
محفوظة للمؤلف ، ولا يحق
لأي دار نشر طبع و نشر و
توزيع الكتاب إلا بموافقة
كتابية من الكاتب و الناشر



دار وادي عبقر

للطباعة و النشر و التوزيع

بيت الإبداع .. و موطن العباقرة

 wadiabkr.wixsite.com/wadiabkr

 wadiabkar@gmail.com

 www.youtube.com/wadiabkr/

 www.facebook.com/wadiabkar

 01141728625

ت : 01100474575

ت : 01224969048

ت : 01221481856



الإهداء

إن ما تولد في نفسي من مشاعر وأحاسيس جياشة و

خلق في وجداني المحبة لكل الخلق

و رسخ في أعماقي هذه الرومانسية العميقة التي

أصبحت سمة في شخصيتي

هي أمي الغالية

ولها أهدي هذا العمل الذي أأمل أن ينال رضاكم....

سمير بحر

أجمل صورة

كنت راسمك أحلى صورة

يانن عيني و نوره

كنت في حلمي باشوفك

و في خيالي ظلك و طيفك

انسى كل حاجة

و افكر بس الصورة

كنتي دايمأ أعيش في حيرة

و أسأل نفسي أسئلة كثيرة

ليه انا عايش عيشة مريرة
و ليه الحياة بقت عسيرة
و انا العاشق بعين بصيرة
و اتاريكي وهم بأحاسيس ضريرة
ضيعتي أحلى سنين عمرنا
و طفيتي شموع حبنا
و شوهتي الرسمة
و أجمل صورة



حديث القلب مع النفس

ياما خطاوي طويلة معايا مشيت

و قلبي عشق و اتعشق

لحد ما على بر رسيت

و عشت أجمل سنين عمري

في عشّي الجميل

و فيه انزويت

و اتغيّر و اتبدّل حالي

و مشوار عشقي نهيت



بعدهما دقت العذاب

و بلهيب الحب انكويت

و انجرح قلبي

و الدمعة فرت ممن هويت

و صعب عليّ حالي

و ما رضيت

مش حاندم على ماضي

و أقول يا ريت

راح لحاله زي ما اتبدل حاله

و شقيت

قلت امشي و ادور

في كل شارع و بيت

عن قلب كان لي عاشق

و عنه اتلهيت

و في سلة ذكرياتي الماضي رميت

و مع عشق جديد قلبي احييت

انا خلاص صفحة الماضي طويت

و مع عشق جديد مشواري ابتديت

و اديني حكيت حكايتي لنفسي و رويت

و قولت له انا من تاني حبيت

معاها نفسي و قلبي لقيت

و الأحزان من قلبي محيت



نضاريس الحب

لو تأملنا المشاعر

تشوف في العشاق

تضاريس كل السنة

سعد و هنا.....

حزن و ضنا

شوق و لهفة ...

قرب و جفا

قلوب مزهزة...

قلوب حايرة

زي الزهور بتزدهر في الربيع

عاشق يشتري و عاشق يبيع

قلوب زاهية و باهية

و إحساس وديع

و يبجي الصيف بخفة و دلع

و قلب في ولع و قلب اتوجع

و قلوب تتلاقى و تعشق

و قلوب تقسى و قلوب تشفق

و مع برودة الشتاء حزن و دفا

و ضباب و شبورة

و شدو شحرورة

و تشوف زعابيب

و جفا حبيب

و دموع غزيرة

من عيون أميرة

و حبات مطر

ما على البال خطر

و كلام على الوتر

و ييجي الخريف تتبدل مشاعر

و تيجي بشاير

و تتوالى الفصول

أيا كان المحصول

طي الصفحة

كنت سنين أحلى بسماتي

كنت الربيع و أجمل نسماتي

كنت الالهفة و أغلى همساتي

كنت في بستاني أرق زهراتي

إزاي أطوي صفحتك...؟

و امحي من قلبي محبتك

و ليه جفا قلبك و قسوتك

راح فين محبتك

و احلى بسمه في ضحكك

ليه اختفت همستك...؟

و في عينك جفت دمعك

عشقك ده سراب و لا كذبتك

ولا قصة لأفلام كانت بتحكي

خدعتك

و تمسح آخر سطور صفحتك

قلب أسير

يا قلبي سيب عشك و طير

و اعشق تاني ما تبقى أسير

لحب عسيرو عذاب مرير

عيش على الأمل و فك قيودك

ما قصرت في عهدك

انطلق و فجر سدودك

و لأجل العشق تجاوز حدودك

كفى ما مضى من عمرك تعاني

قسوة قلب

و إنسان أناني

محا من ذكراك الأمانى

و سهر الليالى و الأغاني

و جعل أحنك حزينة

و أغلق عليك أبواب المدينة

و مشاعرك و أحاسيسك صارت سجينه

لعشق ترك في قلبك ثقوب

لا تشرق له شمس دوما في غروب

ابحث لك عن رفيق في الدروب

و احيي المشاعر

و في عشق تنوب

ولهيب الأشواق نشوب

لا و ألف لا

لأسر القلوب

القلب النظيف

دي هيّ في حياتي شيء لطيف

وعشقها في قلبي

طاهر عفيف

و في مخيلتي بألف طيف

أبعد أقرب في القلب ضيف

ساكنة ضلوعي شتا و صيف

ربيع حياتي و في الخريف

و لما تيجي زعابيب هوا

و أقول حبها أصبح طفيف

و قلبي يقف و يصبح كفيف

تندلع أهاتي و أشواقي

شيء مخيف

و أحس بدبجي بخنجر و سيف

و قلبي يهفو للقا الوصيف

ثائر و قاهر بهجوم كثيف

يمحي و ينكر الحب الضعيف

دي في حياتي شيء لطيف

بسمة حياتي حلو و ظريف

و لقلبي صار إيمان و كيف

طلة جميلة و ظل خفيف

نقية و صافية

و قلب نضيف

درب السعادة

لما قلوبنا تكون بالعشق فضفاضة

و نفوس صافية نقية

بنور الحب منقادة

و الفؤاد اشتعل شوق

و المشاعر صارت ولادة

و القلب لبي نداء الشوق و الحنين لما نادى

عشنا أحلى سنين

و الحب أصبح سمة فينا وعادة

و اهلوت الدنيا في عينينا

و كمان لقينا الإشادة

و الزهور تفتحت

و الطيور رفرفت

و الفرحة ملأت فؤاده

و الحب إيه غير اتنين عاشقين

تركوا الظنون يا سادة

زرعوا قلوبهم محبة

و حصدوا السعادة

و كل يوم بنحيا من جديد

و بنحتفي بميلاده

عرفنا درب السعادة بالمحبة

و نلنا الريادة

نقول كمان و لا اللي فات

فيه الإفادة

عيونك كراه

بقرا في عيونك كلام ..

حب ده و لا غرام ...

و لا ده بس سلام

و لا عتاب و ملام

في نظرة عيونك سهام

بلاقي في قلبي علام

شوق و لهفة و هيام ...

لقيت نفسي مع الأيام

صورتك بشوفها في المنام

و لما اصحى

أفكر فيك على الدوام

ما صورتك مرسومة في خيالي

و عيوني ما بتعرف تنام

ألوم نفسي و الا عيونك

و الا اقول اللي جوايا

و احكي كل الحكاية

ده عيونك كله كلام

بيّعت كل لحظة سهام

نزف قلبي بالسلام

و استسلم كمان للغرام

و سمع للعيون كلام

أجمل إحساس

ليه بنموت إحساس اتخلق جوانا

و نضيع أحلى سنين عمرنا و هوانا

و هو مصدر سعدنا و هنانا

ليه بنجري ورا الهموم

و فيه شقانا

و ربنا بالمشاعر والأحاسيس الحلوة حباننا

و بالبسمة و الهمسة

و المحبة روانا

و بلين الكلام و طيب المعشر هداانا

و لصدق المشاعر

و صفاء القلوب دعاانا

و نرتوي

بأجمل إحساس من الظمأ سقانا

و لنرى الدنيا جميلة

طهر عيوننا

لتذرف الدمعة فابكانا

فيا جميل الإحساس بحبك بوح

و بعشقتك نوح

و لا تكبت أجمل إحساس

في القلب ساكنا

قبل أن يصير زلزالا

و بركانا

بسمه الحياة

حببت فيك بسمتك ...

يمكن أكون مش قسمتك

لكن حاكون دايمًا همستك ..

كنت محتاج بس حنيتك

و رقة مشاعرك و لمستك

شغلت بالي بضحتك

و حبك في قلبي و محبتك

طويت الماضي ...

لقيت صفحتك

في بستان عشق وردتك

حكون ليكى ربيعك و نسمتك

عشقت فيك العشق و لهفتك

شوقي إليك لهيب

في قربي ليك و في غربتك

بسة حياتي ضحكك

آخر أنفاسي

و استوطنت قلبي سنين

اشتقت فيها للحنين

وعمر ضاع في الأنين

وقلب عاش محب و حزين

قلت ... أنا حر

لما أعيش في المر..؟

هل ذنبي إني حبيت ..؟

و احصد ما جنيت

بتعاقبني على الإخلاص
و لا ذنبها عدم الإحساس
و مشاعر ماتت
و أعلنت الإفلاس
و قالت في نفسها ما خلاص
الفاس وقع في الراس
و أصبحت نكرى و مداس
لا و ألف لا ياناس
سأظل عاشق رافع الراس

و قلبي ينبض عشق

يدق الأجراس

لكل الأحبة ...

لا تعيشوا بدون إحساس

و لا تعنوا الإفلاس

سيموت إحساسي

عندما ألفظ آخر أنفاسي

سدر عيون حبيبي

مشتاق اشوف عيونك ..

و الكحل مزين جفونك ..

يا أجمل عيون في الكون

الدنيا لا تحلى بدونك

بشوف الحياة حلوة بعيونك

مرسومة بجمالك و فنونك

و الأمل و التفاؤل في غضونك

السما مزخرفة بسحر عيونك
و البساتين مزهزة في غصونك
و فلك و ياسمينك
تمحي شجونك
و بسمااتك تعطر حياتي لكونك
أحلى غنوة و همسة
أعشق سمار لونك
ببعشقتك قلبي
و يعشق جنونك

يا أجمل حبيبة في زمانك

آه حبيبتى

من سحر عيونك

ربنا يحفظك و يصونك

سؤال القلب

قلبي سألني سؤال

ليه إحساسك ليها مال

و انشغل بها البال

و لما غيابها طال

الشوق كواك

و خلى الدمع سال

و اتبدل حالك حال

و قلت له....

عايز إجابة للسؤال؟

دي كلها حلاوة و دلال

ضحكتها شيء محال

دي غنوة عشق و موال

عشقها في دمي لا زال

عايش جوايا صال و جال

بتخلي المزاج عال العال

دايما هي الأمل و المنال

هو فيه كلام تاني يتقال

و القلب إزاي يكون خال

و دي كانت

إجابة السؤال

همسات قلب

بلوم نفسي و انا بمسي

عدى يومي و كمان أمسي

من غير حسك و لا همسي

ولو مر العمر لن انسى و لا تنسي

أدمنت روعي فواح عطرك

يا عبير نفسي

ليه غاب عني القمر

و ساپني أعيث في عذاب السهر

و خلي دمعي من الشوق انهمر

راح فين ضل الشجر

و فين راح نسيم البحر

من غير لقاكي

ما محسوب من العمر

سارتوي بمرار الضجر

فكرت و انا في الخيال سارح

ده القمر وحشني من امبارح

لو زعلان مني لازم نتصالح

و لو غلظت ضروري تسامح

همسة عاشق

عاشة دائما في خيالي

ما بتغيش لحظة عن بالي

كأني باعشك سنين بقالي

ساكنة جوايا ليالي

أصبحتي كل أمالي

همسي

و لمسي

و وصالي

شجوني و فرحي

و دلالي

تعالى فى حضىنى تعالى

يا ألى بسمة يا غالى

انسحاب

عايشين سنين احباب

من الطفولة حتى الشباب

عمرنا ما كنا أغراب

عن بعضنا

جعلنا للعشق محراب

تعاهدنا على المحبة

حتى ياوينا التراب

يشهد لنا الأهل و الأصحاب

و ما عكر صفونا ضيق أو عذاب

و ما كان في سمانا غيوم

أو سحب

و لا للرعذ و البرق

و الصواعق أبواب

و النهاردة بدون عتاب

أو إبداء أسباب

أعلنت حبيبتى الانسحاب

من حياتى و من العشق طلبت غياب

أجمل كيان

أسمر جميل فتان

انتي كلك حنان

في طباعك

أحلى إنسان

رقة و ذوق

انا بيكي ولهان

سما لون

و بياض قلب شتان

سليل النوبة

أجمل مكان

احترار في وصفك

يا أجمل كيان

مافيش رجوع

قصة غرامنا

شهدتها الليالي و القمر بيلاي

و من الناس الجموع

كانت أغاني

و أماني للعشاق في الربوع

صارت حكاوي على القهاوي

في المدن و النجوع

كنتي عينية اللي بشوف بيها

ليه طفيتي الشموع

ليه قلبي انجرح

و نسي الفرح

و ما بقاش غير الدموع

ليه خليتي حبي ليكي خضوع

و هامتك عالية

عايزة مني خشوع

الحب عطاء

و شجرة بنرويها سوا

حتى نقوي الجذوع

و الزهور تفتح في بستان حينا

و أوراق الشجر في الفروع

العشق شوق و لهفة و لقا

مش ظمأ و جوع

ليه نسييتي حناني

و كمان الأمانى

و لما عاودك الحنين

فكرتني في الرجوع

قلبي خلاص قفل بابہ

و قال مافيش رجوع

مافيش خضوع

مافيش خشوع

أوراق شجر

فاكرة

لما كنت بأقولك

حبك في قلبي دم في شرياني

باحسس طريقي

ما انتي عنواني

حبك في قلبي تائر كبركاني

يملا أركاني و من أحلى سكاني

ما انتي النكهة

اللي عايشة في كياني
يهز أوتاري يردد ألحاني
و أصبحتي دلوقتي عذابي و هواني
مش قادر انسى حبك
و لا قادر أحب تاني
ليه جورتي عليه
و نسيتي كل الأمانى
فين راحت رقة مشاعرك
و كلمات الأغاني

ليه قلبك قسي

و نسي حب الزمان

فين همستك

فين لمستك

راحت فين لهفتك عشاني

و بسمتك اللي كانت زهرة في بستاني

ده كان أمنيتك

تفضلي معايا ثواني

جرحتي قلبي و اللي انجرح

عمره ما يصفى تاني

قلبك حجر ..

و قلبي أوراق شجر

بقيتي خطر على أغصاني

الدب الحقيقي

بحبك قوي ...

دي حقيقة شعوري ناحيتك

بحبك بلهفة...

و غلاوتك عندي و معزتك

الفرحة اللي بتشوفها في عينيه ..

نظرتك

و الدنيا زاهية و جميلة

دي فرحتك

و البسمة الحلوة على الشفايف

دي بسمتك

و الضحكة الصافية من قلبي

هي ضحكك

و أحلى لحن سمعته

كان غنوتك

و كل حاجة حلوة شفتها

في دنيتك

و الزهور و الورود في بستاني زرعتك

حتى القمر والنجوم

ما شفت جمالهم إلا بصحبتك

حتى السماحة اللي في قلبي

دي لمستك

كل حاجة حلوة اتولدت جوايا

بمحبتك

و كل الناس

من عشقي ليكي عشقتك

على الضفاف

كنت بأقول

ربنا يقدرنا و ننسى سنين

مرّت علينا عجاف

ما بين جرح ما بين فرقة

و كلام جارح كله نكاف

لا فيه همسة لا فيه لمسة

فيه هجر و حب

أصابه جفاف

و مشاعر ماتت

و دموع سالت

تعلن نهاية مطاف

لقتيت فجأة قلبي عايش فرحة

وبسمة طارحة

و أحاسيس رهاف

مع أحلى نسمة

و أغلى بسمة

كعاشيقين لطاف

لمست إيديه شافت عينيه

أحلى رسمة في خيالي

على الضفاف

طعم القطايف

أتاريني في وهم عايش

و عمري ضاع

في حب زاييف

أتاري الحب كلمة بتتردد

على الشفايف

و انا اللي أهدرت عمري

و من الفرقة خايف

و أحاسيسي و عشقي للدنيا كاشف

باعوني الحبايب الجمال اللطيف

و انا لسه في الخيال

سارح و طائف

ياما قالولي أهلي

و كل الطوايف

عشقك لمين اديته يا ابو العواطف

للي نسي حبك و ودك

و خلتك من الطرايف

حبك مثل و كلمة أمل

مزين كل الهواتف

رديت و قلت

دول كانوا بسمة و همسة و شوق

عايشين كياني ما قادر أفوق

أتاري ده سراب عشته

و شوفته على المشارف

اتعمت عيني

و قلبي ما عدت شايف

غير زيف الشفايف

و اللطائف

اعذروني دول حلوين قوي

أحلى من طعم القطايف

صاحبة الصورة

بيسألوني الناس عليكي

و انا لسه بسأل نفسي فيكي

محتار من نظرة عينيكي

و الا جمالك و دلالك

اللي باينين عليكي

في عينيكي شفت أمان

و الحنان و بسمه صافية

و غنوة حلوة

ما كل حاجة فيكي حلوة

قولتلهم دي صورة

مرّت عليكم

و مرّت عليّ

و شدتنا نظرة عينيكي

قالولي

حد بالذمة

هو احنا لابسين عمة .

يحب من صورة

و لو كانت أمورة

زي بنات المنصورة

ده شيء غريب

و شيء عجيب

صالت و جالت قدام عينينا الصورة

قولتلهم يا جماعة صدقوني

دي ملاك شافته عينيه

و قدر مكتوب عليّ

ده انا كل ما اشوف الصورة

تضحك عينيه

حبيبتها من صورة

دخلت قلبي لقطت صورة

و قلبي تاه و الأصدقاء

اللي قال لي مبروك عليك

و اللي قال لي حرام عليك

ما الناس كلها شدتها الصورة

و قلبي يحزن

كل ما نجيب السيرة

و يفرح كل ما يشوف الصورة

و مستني حد يبشره

و يقوله خلاص لقيتها

صاحبة الصورة

قصة غرامي

بعد الغياب و طول العذاب

قالولي أنسى قالولي أقسى

قلت ..

ازاي انسى أحلى همسة

و أجمل بسمه شافتها عينيه

و نسمة ربيع مرّت عليّ

و أرق لمسة لمستها إيديه

و أجمل صدفة

و أحلى قسمة

إزاي أقسى

و إزاي أنسى

قصة غرامي في أحلى مرسى

يوم عقد قراني لتحمل اسمي

و تكون نصيبي

و في إيدي العصمة

حلالي بلالي

و مودة و رحمة

دي قصة غرامي و كل حلمي

إزاي أقسى

و إزاي أنسى

أجمل صدفة و أحلى همسة

قلبي عليه أصبح و أمسي

إزاي أنسى ...

أغلى مرسى

أغلى الهدايا

لسه مستني جوابك

بعد اعترافي ليك بحبي

جسي نبضات قلبي

بتقول لازم تفضلي جنبي

حتبادليني المشاعر

و الا حتعيشيني في وهم حبك

ما انا رضيت خلاص بسئلك

و مشيت في طريقك و دربك

طاوعت قلبي و هوايا

قلت عندك حالاي هنايا

ولسه عندي الأمل يا منايا

أشدو ليك بأحلى غنايا

ما صورتك مرسومة و عايشة جوايا

باننظر ردك بشوق

و يكون أغلى الهدايا

الأنين

إمتى حاتقيد الشموع

و نشوف للشمس سطوع

و تجف عيني من الدموع

و نقول قرّينا من الرجوع

وسط اللمة و الجموع

و نصل ما هو مقطوع

و يكون حبنا من جديد مسموع

في القلب و في الضلوع

و حكاوي العشاق في الربوع

نروي شجرته

مع الجذوع و الفروع

و الفل و الياسمين

يفوح في الزروع

من غير ما يكون

فيه خضوع

أو لجرح تاني فيه شروع

نعوض سنين

ضاعت من عمرنا

مش ساعة أو أسبوع

اتسرق عمري و انا موجوع

أنا موجوع

حكاية من زمان

حاحكي حكاية من حكاوي زمان

حكاية واقع مش خيال

كنا دايمنا على وصال

نبت فينا أجمل خصال

اتزرعت في قلوبنا المحبة

و كبرت معانا حبة حبة

و مهما بعدنا

الحب باقي في قلوبنا

سنين نغيب و ما ننسى يوم دروبنا

كل ما الشوق يملا قلوبنا

كنا نتلاقى في المكان

و نستعيد ذكريات زمان

و راحة نفوسنا و الحنان

وسط أهالينا و الإخوان

و الحبايب و الجيران

و من يومين التقينا

سألتني عن ظروف

و قلت آه يا خوفي

لو بان عشقي في حروفي

أو نظرة عيوني

فضحت كسوفي

كان نفسي أخذها بالأحضان

أطقي شوقي و لهيبي في الأوان

لقيت في كلامها حنان

شعرت معاها بالأمان

اكتشفت انها حبيبتي من زمان

جمال الطباع و الخصال لها عنوان

حكاية من حكاوي زمان

عشناها من الطفولة حتى الآن

و لكن فات الأوان

و بقي ذكرى الزمان

عشق الزمان

عشقت فيك الزمان

و شدوت في حبك أغاني

و على أوتارك

عزفت ألحان

و زهور و ورود في البستان

سقيتك ياما حنان

لقيت معاك الأمان

مشاعر و أحاسيس جنان

في القلب عاش أزمان

و اتبدلت الأحوال

و طالتنا الهموم و الأحزان

و الجفا صار له مكان

و القلب خلا من السكان

و رجعت لنفس العنوان

اللي شهد حبنا زمان

أيوه كان نفس المكان

سألت راح فين الحنان

نسيت ليه الأغاني

و عزفنا الأبحان

مين فينا اللي خان

و نسي حب الزمان

و أسدل ستاير النسيان

على الحب اللي كان

العشق بتاع زمان

الشوق

ليه كبتني الإحساس ده عني

و الشوق بيعتريني سنيني

مشتاق لحضنك

دايما ضمني

حبيبة عمري

و نن عيني

في قربك بتوحشيني

و في بعدك

طيفك بياهيبي

و الشوق

بينهش ضلوعي و حيني

الله يسامحك

مش حاسامحك يوم

ياللي خلّيت شمس حياتي

غيوم

و انقضى عمري هدر

و انا بسأل أو بلوم

كان بإيدك نعيش

نحيا أحلى سنين و السعادة تدوم

ما احنا كنا عارفين طريقنا

ما اتعسرنا فى يوم

و لا غرقنا فى همومنا

و احنا بنعرف نعوم

إيه جراك

اتلهيتى بالظنون و الجفا و اللوم

جات منين كل القساوة

و انتى الحلاوة و النقاوة مش هموم

و خلبتينا عايشين فى هم

عايشين فى غم

من غير لزوم

منتظرين مصير محتوم

ما العمر كان لسه قدامنا

و الفرحة جاي لنا قدوم

نعيش و ننتهي و نسعد قلوبنا

و احنا نجم النجوم

كنت بادعيلك في صلاتي

يا حياتي

حتى أيام الصوم

إن اشوف دمة في عيونك

تغسل همومك

تحنن قلبك و الا تجافكي النوم

ما انتي خلاص انتهيتي من حياتي

ما صدقت اقوم

من غفلتي و الانين

صارت أمانى مع حب تاني

أحيا فيه اللي مات

و الذكريات بتناديني ..

و قلبي يقولك مش حاسامك

و الا اقولك انا مسامك

ما انا خلاص نسيت ملامك

انا مسامك و الله يسامك

خسارة فيكي المراه

في حبي ليكي

قلت فيكي

خلصت كل الكلام

اخلصت ليكي و عشت فيكي

أحلى سنين غرام

صورتك أحلى صورة

رسمتها في خيالي

و شوفتها في المنام

كنت واهم لما افكرت

إن ما فيش حب من غير آلام

قسيتي قلبك

و نسييتي ودك و لادي

كانت أو هام

لا افكرتني لحظة حلوة عشنا فيها

و لا عشق عمر من غير ملام

مش طبعي اجرح زي

ما جرحتي و قلبي

لسه بيردد أنغام

دى الناس حست بجرحي

بتواسيني بتناديني بتقولي

ملوش لازمة الكلام

خسارة فيها مشاعرك

خسارة فيها الملام

خسارة فيها الملام

الفهرس

3	الإهداء
4	أجمل صورة
6	حديث القلب مع النفس
10	نظائرس الحب
14	طي الصفحة
16	قلب أسير
19	القلب النظيف
22	درب السعادة
25	عيونك كراة
28	أجمل إحساس
31	بسة الحياة
33	أخر أنفاسي
39	سؤال القلب
45	همسة عاشق
47	انسحاب

49	أجمل كيان
51	مافيش رجوع
55	أوراق شجر
59	الحب الحقيقي
62	على الضفاف
69	طاحبة الصورة
74	قصة غرامي
77	أغلى الهدايا
79	الذين
82	حكاية من زمان
86	عشق الزمان
89	الشوق
91	الله يسامك
96	خسارة فيكي الملاح
99	الفهرس